

Supervizor donijela amandmane na Statut Brčko Distrikta

Susan Johnson, supervizor za Brčko, je izdala Nalog o izmjenama Statuta Brčko Distrikta BiH kojim se ustanovljava odvojena pozicija zamjenika gradonačelnika koji neće istodobno biti šef odjela.

Namjera je da se stvaranjem odvojene pozicije zamjenika gradonačelnika, koji neće istodobno vršiti dužnosti šefa odjela, ojača kabinet gradonačelnika i da se općenito poveća nivo efikasnosti Vlade. Zamjenik gradonačelnika će pomagati gradonačelniku u obnašanju dužnosti, predstavljati ga u njegovom odsustvu i imati konkretne odgovornosti koje će utvrditi sa gradonačelnikom.

Krajem prošle godine supervizor je rekla zastupnicima da podržava razdvajanje pozicije zamjenika gradonačelnika od pozicije šefa odjela i da će u određenom momentu biti spremna na aktivnosti u tom smislu. Supervizor Johnson se nadala da će Skupština Distrikta moći da sama usvoji ovaj amandman kako bi podržala Vladu u reorganizaciji.

Supervizor je zadužila Vladu i Skupštinu Brčko Distrikta da poduzmu sve potrebne mjere kako bi osigurali provedbu ovih amandmana.